



BENCANA MUSIM MONSUN TIMUR LAUT (MTL) 2025/2026 : SEKILAS DATA



6
NEGERI



15
DAERAH



88
PPS AKTIF



4,148
KELUARGA




12,887
MANGSA



4
KEMATIAN

* Data sehingga 20 Disember 2025 jam 6.00 pagi & data kematian adalah kumulatif sejak 13 November 2025

PPS: Pusat Pemindahan Sementara





PERINCIAN MENGIKUT NEGERI

NEGERI	JENIS BENCANA	DAERAH	PPS AKTIF	KELUARGA	MANGSA	TREND
Pahang	Banjir 🏠	Kuantan	44	3,237	9,748	Menurun
		Pekan	10	342	1,041	Tidak Berubah
		Rompin	3	65	226	Menurun
		Jerantut	4	46	154	Tidak Berubah
		Temerloh	3	12	53	Tidak Berubah
		Maran	2	5	21	Tidak Berubah
		Bera	1	4	17	Tidak Berubah
		Lipis	1	2	5	Tidak Berubah
	Tanah Runtuh 🏔️	Cameron Highlands	1	6	22	Tidak Berubah
	JUMLAH		69	3,719	11,287	Menurun
Terengganu	Banjir 🏠	Kemaman	7	232	863	Menurun
		Dungun	2	71	251	Tidak Berubah
	Tanah Runtuh 🏔️	Kemaman	1	1	2	Tidak Berubah
	JUMLAH		10	304	1,116	Menurun
Johor	Banjir 🏠	Mersing	3	93	356	Tidak Berubah
	JUMLAH		3	93	356	Tidak Berubah
Kelantan	Banjir 🏠	Kuala Krai	4	23	77	Tidak Berubah
	JUMLAH		4	23	77	Tidak Berubah
Selangor	Tanah Runtuh 🏔️	Gombak	1	8	47	Tidak Berubah
	JUMLAH		1	8	47	Tidak Berubah
Sarawak	Tanah Runtuh 🏔️	Miri	1	1	4	Tidak Berubah
	JUMLAH		1	1	4	Tidak Berubah
JUMLAH KESELURUHAN			88	4,148	12,887	Menurun

* Trend: Perbandingan dengan data 20 Disember 2025 jam 12.00 tengah malam



SITUASI TERKINI

- Sehingga 20 Disember 2025, jam 6.00 pagi, terdapat 15 daerah di enam negeri yang dilanda bencana dengan **penurunan** jumlah mangsa kepada **12,887 mangsa dalam tempoh 24 jam** (berbanding **15,138 mangsa** pada 19 Disember 2025). Ia melibatkan **4,148 keluarga** yang ditempatkan di **88 Pusat Pemindahan Sementara (PPS)**. Jumlah PPS yang dibuka juga **menurun** berbanding 107 PPS pada 19 Disember 2025.
- Tiga daerah paling teruk terjejas adalah Kuantan, Pahang (9,748 mangsa), Pekan, Pahang (1,041 mangsa) dan Kemaman, Terengganu (865 mangsa).
- Berdasarkan laporan Polis Diraja Malaysia (PDRM), **empat kematian** telah direkodkan setakat ini yang melibatkan kematian akibat kejadian banjir iaitu **satu di Gua Musang, Kelantan pada 21 November 2025, satu di Tanah Merah, Kelantan pada 26 November 2025, satu di Sepang, Selangor pada 30 November 2025 dan satu di Kuala Krai, Kelantan pada 18 Disember 2025.**



MAKLUMAT CUACA DAN ARAS AIR SUNGAI SEMASA

- Tiga stesen meteorologi yang mencatatkan **jumlah hujan harian tertinggi** pada 19 Disember 2025 adalah Kuching, Sarawak (210.6 mm), Kampar, Perak (146.8 mm) dan Larut, Matang & Selama, Perak (116.5 mm).
- Analisis terhadap model-model ramalan cuaca menunjukkan penumpuan angin dijangka berlaku di Sabah dan Sarawak bermula pada 21 hingga 24 Disember 2025. Keadaan ini boleh menyebabkan peningkatan kelembapan yang berpotensi menghasilkan ribut petir berserta hujan lebat dan angin kencang dalam tempoh yang lebih panjang di kawasan tersebut.
- Tiada Amaran Hujan Berterusan yang masih berkuat kuasa setakat ini.

Sumber : Jabatan Meteorologi Malaysia (MET Malaysia)

- Pada 19 Disember 2025, tiada Amaran Banjir dan Ramalan Awal Banjir yang dikeluarkan oleh Jabatan Pengairan dan Saliran (JPS).

Sumber : Jabatan Pengairan dan Saliran (JPS)



IMPAK

- Jabatan Mineral dan Geosains (JMG) melaporkan bahawa beberapa kawasan yang berisiko mengalami tanah runtuh di daerah yang sedang dilanda banjir iaitu di Kuantan dan Jerantut, Pahang; di Kemaman dan Dungun, Terengganu; di Mersing, Johor; dan di Kuala Krai, Kelantan. Kawasan berisiko merujuk kepada *hotspot* tanah runtuh dan/atau cerun kritikal.
- Pada 19 November 2025, terdapat **empat kejadian tanah runtuh baharu** yang telah berlaku di daerah yang sedang dilanda banjir iaitu di Kota Perdana, Muadzam Shah di daerah Pekan, Pahang serta di Felda Neram 2 (2) dan Felda Seberang Tayor di daerah Kemaman, Terengganu. Empat buah rumah di Kota Perdana, Muadzam Shah telah diarahkan berpindah. Pemantauan berterusan oleh JMG Negeri sedang dijalankan bagi memastikan situasi tanah runtuh dipantau secara rapi.
- Jumlah kumulatif tanah runtuh yang berlaku di seluruh negara sejak bermula Monsun Timur Laut (MTL) adalah sebanyak **26 kejadian**, Selangor merekodkan bilangan kes tertinggi iaitu sebanyak 12 kejadian, diikuti oleh Pahang yang merekodkan empat kejadian serta Perak dan Terengganu masing-masing merekodkan tiga kejadian. Manakala W.P. Kuala Lumpur merekodkan dua kejadian serta Negeri Sembilan dan Sabah masing-masing merekodkan satu kejadian.
- Pelaporan JMG tidak merangkumi laluan jalan negeri, persekutuan dan lebuh raya.

Sumber : Jabatan Mineral dan Geosains (JMG)

- Jabatan Kerja Raya (JKR) telah merekodkan **66 lokasi kejadian bencana** yang menjejaskan infrastruktur jalan raya sehingga 19 Disember 2025, jam 10.00 malam. Daripada jumlah tersebut, sebanyak 41 lokasi melibatkan Jalan Persekutuan manakala 25 lokasi menjejaskan Jalan Negeri. Kejadian ini berlaku di 10 negeri iaitu Pahang (6 daerah), Perak (4 daerah), Kedah (4 daerah), Kelantan (2 daerah), Selangor (2 daerah), Terengganu (2 daerah), Pulau Pinang (2 daerah), Perlis (1 daerah), Johor (1 daerah) dan Melaka (1 daerah).



- Jenis kejadian bencana yang paling dominan ialah banjir (28 lokasi), cerun runtuh (22 lokasi), jalan runtuh (9 lokasi), jalan mendap (6 lokasi) dan jambatan rosak atau runtuh (1 lokasi). JKR sedang melaksanakan pemantauan rapi dan kerja pemulihan segera.

Sumber : Jabatan Kerja Raya Malaysia (JKR)

- Kementerian Pendidikan Malaysia (KPM)** melaporkan sebanyak **14 institusi pendidikan masih terjejas akibat banjir** di beberapa negeri. Pecahan mengikut negeri adalah Sarawak (8 sekolah rendah; 1 sekolah menengah) dan Pahang (3 sekolah rendah; 2 sekolah menengah).
- Selain itu, sebanyak 51 PPS premis sekolah masih dibuka bagi menempatkan mangsa banjir. Pecahan mengikut negeri adalah Pahang (30 sekolah rendah; 10 sekolah menengah), Terengganu (4 sekolah rendah), Kelantan (4 sekolah rendah) dan Johor (3 sekolah rendah).
- Secara keseluruhan, seramai 717 murid masih berada di PPS premis sekolah. Pecahan mengikut negeri adalah Pahang (611 murid), Johor (50 murid), Terengganu (42 murid) dan Kelantan (14 murid).

Sumber : Kementerian Pendidikan Malaysia (KPM)

- Kementerian Kesihatan Malaysia (KKM)** melaporkan setakat 19 Disember 2025, jam 4.00 petang, terdapat **16 fasiliti kesihatan yang terjejas akibat banjir** di Pahang iaitu melibatkan lapan Klinik Desa, lima Klinik Kesihatan, dua Klinik Pergigian dan satu Klinik Komuniti. Berdasarkan jumlah tersebut, sebanyak empat fasiliti telah berpindah operasi ke fasiliti yang berhampiran, manakala 12 lagi fasiliti kesihatan beroperasi seperti biasa.
- Di lapangan, sebanyak 95 Pasukan Perubatan Kecemasan (EMT) telah digerakkan yang terdiri daripada 42 *Rapid Response Team* (RRT) Perubatan, 39 RRT Kesihatan dan 14 Pasukan *Mental Health and Psychosocial Suppt* (MHPSS). Pasukan ini ditempatkan di Pusat Pemindahan Sementara (PPS) bagi menyediakan perkhidmatan rawatan perubatan, pemantauan kesihatan dan pencegahan penyakit kepada mangsa banjir.

Sumber : Kementerian Kesihatan Malaysia (KKM)

- Suruhanjaya Komunikasi dan Multimedia Malaysia (SKMM)** melaporkan sebanyak **59 infrastruktur komunikasi terkesan akibat banjir** di seluruh negara. Daripada jumlah tersebut, terdapat tujuh stesen pemancar yang masih belum beroperasi iaitu lima di Pahang dan dua di Kelantan.
- Bagi memastikan kelangsungan komunikasi di kawasan terjejas, sehingga 19 Disember 2025, sebanyak 23 PPS telah dipasang Inisiatif WiFi percuma oleh penyedia perkhidmatan telekomunikasi.
- SKMM bersama penyedia perkhidmatan telekomunikasi akan terus memantau tahap liputan melalui Jawatankuasa Pengurusan Bencana Daerah (JPBD)/Jawatankuasa Pengurusan Bencana Negeri (JPBN) bagi memastikan sebarang gangguan perkhidmatan atau kesesakan talian di PPS dapat ditangani dengan segera.

Sumber : Suruhanjaya Komunikasi dan Multimedia Malaysia (SKMM)

- Tenaga Nasional Berhad (TNB)** melaporkan beberapa kawasan di Pahang telah diputuskan bekalan elektrik sebagai langkah keselamatan akibat banjir. Kawasan terjejas adalah di daerah Kuantan meliputi Sri Damai Sejahtera, Lorong Seri Damai Jaya 9, Jalan Seri Damai Jaya 1/13 dan KIPSAS.
- Tiada PPS dilaporkan terjejas bekalan elektrik. TNB telah mengambil tindakan dengan memasang genset di kawasan yang selamat bagi memastikan kesinambungan bekalan tenaga kepada premis penting serta operasi respons banjir.

Sumber : Tenaga Nasional Berhad (TNB)



LANGKAH-LANGKAH KESIAPSIAGAAN OLEH AGANSI KERAJAAN

- Kerajaan melalui Agensi Pengurusan Bencana Negara (NADMA) telah mengadakan Mesyuarat Penyelaras Pusat Kawalan Operasi Bencana (PKOB) Pusat Bilangan 8 pada 19 Disember 2025 bagi memastikan pengurusan bencana dijalankan secara teratur dan bersepadu. Mesyuarat ini dipengerusikan oleh Pengarah Seksyen Penyelaras Operasi (SPeO) NADMA dan bertujuan menyelaraskan tindakan serta keputusan operasi bencana.
- Dalam mesyuarat ini, beberapa keputusan penting telah dicapai termasuklah meminta tindakan segera daripada Ibu Pejabat Angkatan Pertahanan Awam Malaysia (APM) dalam menyelaraskan permohonan keperluan pembekalan *C-Tent* tambahan yang dimohon oleh PKOB Pahang.
- Selain itu, Seksyen Logistik NADMA akan membantu menyelaraskan permohonan daripada PKOB Pahang bagi mendapatkan bekalan bantuan makanan yang melibatkan 3,000 unit kit makanan dan 2,000 unit *Meals Ready to Eat* (MRE).
- **Jabatan Kebajikan Masyarakat (JKM)** telah menyediakan bantuan makanan kepada mangsa banjir di PPS melibatkan bekalan makanan retort bagi tempoh 24 jam pertama di daerah Kuantan, Rompin, Pekan dan Kemaman, diikuti dengan agihan makanan pack food pada hari-hari berikutnya. Selain itu, JKM turut menyalurkan barang keperluan asas bencana kepada mangsa di PPS bagi memastikan kebajikan mereka terjaga.
- Bagi pengurusan bekalan, stok makanan disimpan di Depoh Kuantan dan Depoh Dungun. Sebagai langkah penambahbaikan keperluan di PPS, JKM telah menambah bilangan petugas daripada daerah-daerah lain di negeri Pahang bagi tujuan pendaftaran mangsa. Ketika ini, nisbah PPS aktif di Kuantan dengan petugas JKM adalah 1:1, yang berada pada tahap kritikal dan memerlukan pemantauan berterusan.
- **Jabatan Pengairan dan Saliran (JPS)** telah mengoperasikan **Pam Kecemasan Mudah Alih** ke kawasan banjir untuk membantu mengurangkan air dan mempercepatkan proses surut air. Tindakan ini adalah sebahagian daripada langkah-langkah yang diambil untuk mengendalikan banjir di negeri yang terjejas.

- Sebanyak satu unit Pam Kecemasan Mudah Alih telah dipasang pada 19 Disember 2025 di Johor. Pada masa yang sama, sebanyak **251 unit pam sedang beroperasi di negeri-negeri yang terjejas banjir, manakala 89 unit lagi berada dalam keadaan siap siaga** untuk digerakkan mengikut keperluan semasa. Selangor merekodkan jumlah tertinggi dengan 133 unit pam aktif dan 28 unit pam siap siaga, diikuti oleh Johor (63 unit aktif; 7 unit siap siaga), Kelantan (16 unit aktif; 32 unit siap siaga), Pahang (18 unit aktif; 9 unit siap siaga), Terengganu (12 unit aktif; 13 unit siap siaga) serta Sarawak dengan 9 unit pam aktif.
- **Perincian jumlah kekuatan anggota dan aset agensi tindak balas** yang ditempatkan di negeri-negeri dilanda banjir adalah seperti di **Lampiran 1**.
- **Pusat Kawalan Bencana Negara (NDCC)** yang beroperasi 24 jam setiap hari akan sentiasa memantau situasi cuaca. Amaran bencana akan disalurkan kepada Agensi Tindak Balas dan Pegawai Daerah dari semasa ke semasa.
- Untuk maklumat lanjut, sila layari: <https://portalbencana.nadma.gov.my> dan <https://www.nadma.gov.my>.



MAKLUMAT PERGERAKAN PERTUBUHAN BUKAN KERAJAAN (NGO)

- Sejak bermulanya Monsun Timur Laut (MTL) pada 13 November 2025, sebanyak **557 pelaporan** misi bantuan daripada Pertubuhan Bukan Kerajaan (NGO) yang berdaftar di bawah Rakan NADMA telah direkodkan di **10 negeri**.
- NGO terbabit melaksanakan pelbagai bentuk bantuan termasuk **pengagihan makanan dan minuman, kit kebersihan, khidmat pembersihan, khidmat kaunseling, keperluan tidur, bantuan mencari dan menyelamatkan, sokongan logistik, pasukan perubatan, komunikasi kecemasan, keperluan bayi** serta lain-lain bentuk bantuan kemanusiaan bagi membantu mangsa banjir di negeri-negeri terjejas.
- Secara keseluruhan, **25,601 sukarelawan** daripada **39 pertubuhan** telah melaksanakan pengoperasian dan pengagihan bantuan tersebut.



JUMLAH KEKUATAN ANGGOTA DAN ASET AGENSI TINDAK BALAS

BIL.	NEGERI	AGENSI	ANGGOTA	ASET
, 1.	PAHANG	ANGKATAN PERTAHANAN AWAM (APM)	354	4x4/SUV/VAN: 10, BOT: 9, LORI/FRT/LFRT: 4, MOTOSIKAL: 1
		ANGKATAN TENTERA MALAYSIA (ATM)	167	4x4/SUV/VAN: 6, BOT: 4, LORI/FRT/LFRT: 14
		POLIS DIRAJA MALAYSIA (PDRM)	1,568	4x4/SUV/VAN: 57, BOT: 35, LORI/FRT/LFRT: 38, MOTOKAR: 43
		JABATAN BOMBA DAN PENYELAMAT MALAYSIA (JBPM)	53	4x4/SUV/VAN: 3, AMBULANS/EMRS: 1, LORI/FRT/LFRT: 11, MOTOSIKAL: 3
		JABATAN SUKARELAWAN MALAYSIA (RELA)	160	-
2.	TERENGGANU	ANGKATAN PERTAHANAN AWAM (APM)	63	4x4/SUV/VAN: 1, LORI/FRT/LFRT: 3
		ANGKATAN TENTERA MALAYSIA (ATM)	49	4x4/SUV/VAN: 3, BOT: 2, LORI/FRT/LFRT: 3
		POLIS DIRAJA MALAYSIA (PDRM)	34	4x4/SUV/VAN: 11, BOT: 2, MOTOKAR: 3
		JABATAN BOMBA DAN PENYELAMAT MALAYSIA (JBPM)	46	4x4/SUV/VAN: 3, AMBULANS/EMRS: 1, BOT: 1, LORI/FRT/LFRT: 6
		JABATAN SUKARELAWAN MALAYSIA (RELA)	36	-
3.	JOHOR	ANGKATAN PERTAHANAN AWAM (APM)	15	4x4/SUV/VAN: 1, AMBULANS/EMRS: 1, LORI/FRT/LFRT: 1
		ANGKATAN TENTERA MALAYSIA (ATM)	21	4x4/SUV/VAN: 1, LORI/FRT/LFRT: 5
		POLIS DIRAJA MALAYSIA (PDRM)	83	4x4/SUV/VAN: 4, BOT: 5, LORI/FRT/LFRT: 1
		JABATAN BOMBA DAN PENYELAMAT MALAYSIA (JBPM)	4	LORI/FRT/LFRT: 3
		JABATAN SUKARELAWAN MALAYSIA (RELA)	6	-
4.	KELANTAN	ANGKATAN PERTAHANAN AWAM (APM)	12	4x4/SUV/VAN: 1
		ANGKATAN TENTERA MALAYSIA (ATM)	5	4x4/SUV/VAN: 1
		POLIS DIRAJA MALAYSIA (PDRM)	1	4x4/SUV/VAN: 2, BOT: 2
		JABATAN BOMBA DAN PENYELAMAT MALAYSIA (JBPM)	13	4x4/SUV/VAN: 3, LORI/FRT/LFRT: 1
		JABATAN SUKARELAWAN MALAYSIA (RELA)	16	-
JUMLAH			2,706	4X4/SUV/VAN: 104, LORI/ FRT/LFRT: 90, BOT: 60, MOTOKAR: 46, MOTOSIKAL: 4, AMBULANS/EMRS: 3

* Data sehingga 19 Disember 2025 jam 11.59 malam. Untuk daerah-daerah yang terlibat dengan banjir sahaja.

Sumber: APM, ATM, PDRM, JPBM & RELA